



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Sacrorvm Ritvvm Et Caeremoniarvm

Vinitor, Gerlacus

Coloniae Agrippinae, 1656

XIV. De Missa priuata coram Praelato in loco sua iurisdictionis.

urn:nbn:de:hbz:466:1-9459

§. 9. Pro defuncto Cardinali eadem prima Missa *Gauantus* dicenda est, mutatis orationibus. Rubrica quidem non *Ibidem n. 70.* præscribit, sed vsus ita declarat Rubricam, quia sunt Episcopis maiores. Pro Diacono tamen Cardinali dicitur oratio *Inclina*, vt in Missali.

§. 10. In die depositionis, tertio, septimo, trigesimo & Anniuersario dicitur secunda missa cum oratione *Ibidem n. 110.* propria pro defuncto Sacerdote. Neque refert in ea non fieri mentionem de die tertio, septimo, trigesimo, & Anniuersario, nam eadem oratio pro Papa dicitur in obitu & anniuersario eiusdem nulla factâ anniuersarij mentione.

§. 11. Pro laicis certæ sunt regulæ in Missali: In eorum obitu, die tertio, septimo, & trigesimo dicitur secunda Missa, in Anniuersario verò tertia.

Extra prædictos dies, Missæ dicuntur, vt in quotidianis Defunctorum. Dies tertius, septimus, trigesimus & anniuersarius numerari debent à die obitus, seu depositionis, vt patet ex Collectis, in quibus fit mentio depositionis. sed S. Ambrosius *Serm. 70.* accepit depositionis vocabulum tam pro sepultura, quàm pro obitu, licet Ecclesia videatur distinguere inter obitum & depositionem: si contendis distingui numerabis hos dies à die sepulturæ, qua potiori iure subiaceret defunctus Ecclesiasticæ curæ: vel sequere locorum consuetudinem, nisi Testatoris verba aliud sonent.

§. 12. In die Commemorationis omnium Fidelium Defunctorum, Sacrificia quæcunque debent applicari omnibus Defunctis ex intentione Ecclesiæ, & consequenter cessant eo die omnes aliæ obligationes diei annexæ pro particularibus Defunctis.

Missale de secunda Missa defuncti.

Direct. Rem. in annotat. 2. diei Nouemb.

TITVLVS XIV.

De Missa priuata coram Prælato in loco suæ iurisdictionis.

1. SI Sacerdos coram Cardinale vbique genitum, aut alio Prælato in loco suæ iurisdictionis, id est, Patriarcha, Archiepiscopo, Episcopo, in prouincia, Ciuitate, vel diocesi sua existente, item iuxta aliquos coram Abbate benedicti.

cto habente vsum Mitræ & baculi in Ecclesia tantum sui Monasterij celebraturus sit; si iam ibi Prælatus sit in Ecclesia ante medium Altaris, nisi aliud loci situs impediatur, aut cornu Epistolæ, accedit ad Altare.

Rubr. Miss. de ritu celebrandi Missam. tit. 3. de principio Missæ & confessione faciendæ. 2. Et supra part. 2. tit. 3. n. 2.

2. Factisque Altari, & Episcopo reuerentijs est, genuflexione Tabernaculo SS. Sacramenti, & inclinatione profundâ, Prælato: Præparatoque deinde Calice in Altari, & aperto Missali descendit, sicut in alijs Missis, ante infimum gradum Altaris, ibique stans ad cornu Euangelij, expectat signum incipiendi, aliquantulum ad prælatum conuersus, quo dato, iterum inclinatur se Prælato profundè, & conuersus ad Altare, incipit Missam more solito.

Rubr. Miss. part. 2. tit. 3. n. 8.

3. In Confessione vbi dicitur *vobis fratres*, dicit *tibi Pater*, & similiter in fine, vbi dicit *vos fratres*, dicat, *te Pater*, quod dicens Prælato profundè se inclinatur.

Rubr. loco cit. n. 10.

4. Dicto *Oremus*, ante orationem *Aufer à nobis &c.* inclinatur se profundè Prælato, accedit ad medium Altaris, ante infimum gradum, & ibi incipiens *aufer à nobis secreta*, vt moris est, ascendit ad altare & alia peragitur, vt in alijs Missis.

Rubr. part. 2. tit. 6. n. 2.

5. Finito Euangelio non osculatur librum, nec dicit *Per Euangelica dicta*, &c. Sed solus prælatus hæc peragitur, Celebrante interim expectante, si non dicatur *Credo*, donec hæc à Prælato peracta sint.

Rubr. loco cit. tit. 10. n. 2.

6. Dicta prima oratione post *Agnus Dei* videlicet *Domine Iesu Christe qui dixisti &c.* osculatur Altare & ambabus manibus tenens pacis instrumentum, quod ei porrigitur à Ministro, illud osculatur, atque illud per ministrum ad Prælatum defertur osculandum.

Rubr. part. 2. tit. 12. n. 3.

7. Antequam Celebrans det Benedictionem, dicto, *Benedicat vos Omnipotens Deus*, conuersus ad prælato-

prælatum, ei que profundè se inclinans, & quasi petens ab eo licentiam benedicendi, prosequitur, *Pater, & Filius, & Spiritus Sanctus* benedicens tantum assistentes à parte ubi non est Prælatus.

8. Post finem vltimi Euangelij, Celebrans ad Prælatum conuersus, adhuc stans in cornu Euangelij, facit illi profundam reuerentiam, & in Sacristiam redit. *Rub. part. 2. tit. 12. n. 6.*

9. Si celebrat coram Papa, accedens ad Altare ei genuflectit, & antequam incipiat Missam genuflectit, accipit ab eo benedictionem. Item genuflectit ad Confessionem dicens *Tibi Pater & te Pater*. Item antequam ascendat ad Altare post Confessionem. Item antequam populo benedicat in fine Missæ. Denique post vltimum Euangelium. Cætera peragit, vt in alijs Missis. *Rub. locis citatis.*

10. Si autem Sacerdos celebrat coram Prælati extraneis, Missam dicit, ac si nulli adessent Prælati, imò ipsi Capellani Episcoporum extracorum Diœcesim ab huiusmodi ritibus abstinere debent. Deferendus est tamen illis liber Euangeliorum, & pacis instrumentum osculandum, & in fine Missæ fit eis à Celebrante, & ministro reuerentia. Id etiam fieri debet Principibus, non tamen liber Euangeliorum illis est deferendus, nisi forte sint ex illustrissimis & potentissimis, ex tolerantia, vt supra, nunquam tamen fœminis.

TITVLVS XV.

De prima Missa noui Sacerdotis priuatim Celebranda.

1. Si celebretur solemniter fiant omnia vt in capitibus sequentibus, de Missis solemnibus præscribetur, & Sacerdoti nouo semper assistat aliquis Sacerdos superpelliceo stolæque coloris